

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH

Broj: 05/7-39-1-158-7/23

Sarajevo, 29. 5. 2023.

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 05-07-2023			
Organizaciona jedinica	Klasifikaciona oznaka	Redni broj	Broj priloga

ZAPISNIK

7. sjednice Vijeća nacionalnih manjina BiH, održane 29. 5. 2023.

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Željko Vaško, Franjo Rover, Ernest Grin, Saša Mićin, Todorka Jovanović, Velibor Kuvač, Dejan Piotrovski, Mujo Fafulić, Violeta Džolan, Mihal Hemun, Danijel Štefek, Dragica Tešić, Hakan Varan i Miroslav Bobrek.

Sjednici nije prisustvovao Igor Kotjelnikov.

Sjednici su, također, prisustvovali: Aida Kreho, Stojanka Šarović, Bojan Brezo i Enver Bogučanin iz Sekretarijata Parlamentarne skupštine BiH.

Za sjednicu je predložen sljedeći

DNEVNI RED

1. Razmatranje Prijedloga zapisnika 6. sjednice Vijeća nacionalnih manjina BiH;
2. Razmatranje Prijedloga poslovnika Vijeća nacionalnih manjina BiH;
3. Tekuća pitanja:
 - a) Razmatranje službene zabilješke sa sastanka članova Vijeća nacionalnih manjina BiH s predstavnicima Savjetodavnog odbora Vijeća Evrope,
 - b) Ostalo.

Po otvaranju sjednice, predsjedavajući je predložio da se 2. tačka dnevnog reda: Razmatranje Prijedloga poslovnika Vijeća nacionalnih manjina BiH odgodi za neku od narednih sjednica.

Predloženi dnevni red, uz dodatni prijedlog izmjene, usvojen je jednoglasno.

Ad. 1. Razmatranje Prijedloga zapisnika 6. sjednice Vijeća nacionalnih manjina BiH

Nakon uvodnih riječi predsjedavajućeg, te s obzirom na to da nije bilo rasprave, Zapisnik je jednoglasno usvojen.

Ad. 2. Tekuća pitanja:

a) Razmatranje službene zabilješke sa sastanka članova Vijeća nacionalnih manjina BiH s predstavnicima Savjetodavnog odbora Vijeća Evrope

Službena zabiljaska jednoglasno je primljena k znanju.

Ovim povodom predsjedavajući je konstatirao da je od Ministarstva za ljudska prava i izbjeglice BiH zaprimljen dopis s dodatnim pitanjima Savjetodavnog odbora Vijeća Evrope, te da je zadužen gosp. Grin da pitanja pregleda, te ponudi prijedlog odgovora do roka naznačenog u dopisu. Prijedlog je jednoglasno prihvaćen.

b) Upoznavanje članova Vijeća nacionalnih manjina BiH s medijskim istupom predsjedavajućeg Vijeća povodom upućivanja apelacije Ustavnom sudu BiH

Predsjedavajući je upoznao prisutne sa svojim medijskim istupom, povodom upućivanja apelacije Ustavnom sudu BiH poslanika SDA u Zeničko-dobojskom kantonu, u smislu potrebe za osiguravanjem mjesta za pripadnike manjina u predstavničkim tijelima/vladi ZE-DO kantona. Naznačeno je da u Zeničko-dobojskom kantonu živi oko 15.000 pripadnika nacionalnih manjina i smatra da bi bilo dobro da se osigura po jedno mjesto u skupštinama za nacionalne manjine. Također je naveo da bi trebala biti upućena inicijativa da se u Ustav BiH uvrste sve manjine i da se u skupštinama garantira po jedno mjesto.

U diskusiji su učestvovali Velibor Kuvač i Dragica Tešić. Ovim povodom Velibor Kuvač je zamolio da se na iduću sjednicu, kao tačka dnevnog reda, uvrsti Prijedlog izmjene Izbornog

zakona, odnosno materijal koji je Vijeće nacionalnih manjina BiH dostavilo Interresornoj radnoj grupi za izmjene izbornog zakonodavstva, koje je djelovala u prošlom sazivu PSBiH.

Informacija je jednoglasno primljena k znanju.

e) Izrada informacije o položaju nacionalnih manjina

Željko Vaško, koordinator Radne grupe zadužene za izradu informacije, zamolio je članove Vijeća, odnosno one koji to još nisu učinili, da u što je moguće kraćem roku dostave informaciju o organiziranju učenja jezika nacionalnih manjina. U raspravi je učestvovala Violeta Džolan, koja je, uz podsjećanje na prethodno dostavljenu pisanu informaciju, navela da se ne organiziraju kursevi rumunskog jezika, te Davor Ebner koji je naveo da se pridružuje prethodno dostavljenom odgovoru od njemačko-austrijske zajednice, navodeći i da se njemački jezik aktivno izučava u školama.

d) Organizacija sastanka sa Zajedničkom komisijom za ljudska prava

Franjo Rover predložio je da se Vijeće nacionalnih manjina u BiH obrati Zajedničkoj komisiji za ljudska prava s prijedlogom za održavanje zajedničkog sastanka. U raspravi su učestvovali Velibor Kuvač, Saša Mićin i Miroslav Bobrek, te je usaglašeno da se kao tema sastanka predloži: Razmatranje planova rada i usaglašavanje zajedničkih aktivnosti Zajedničke komisije i Vijeća nacionalnih manjina u BiH.

Prijedlog je jednoglasno prihvaćen.

Kao termin održavanja naredne sjednice okvirno je predložen 26. 6. 2023.

Sjednica je završena u 18.30 sati.

Sekretar

Zajedničke komisije za ljudska prava

Aida Kreho



Predsjedavajući

Vijeća nacionalnih manjina BiH

Mujo Fafulić

